

xlvi

(...)

Testament de jehan cepet m(aîtr)e
c(h)irurgien

Ce jourd()huy **vingt()cinquiesme** du moys de **janvier**
mil vc septante neuf en villemur etc en la

.....

maison du testate(ur) bas nomme en presances de moy
notaire soubz signe et()des tesmoingz bas nommes
estably en personne m(aîtr)e **jehan cepet c(h)irurgien**
de villemur le quel]~~de son t~~[estant a la salle de()sad(ite)
maison sain de pancer et entendement sans estre
detenu en aulcune maladie considerant qu()il n()y a
rien plus certain que la mort ni plus incertain
que l()heure d()icelle et **soy voyant estre vieux et**
caducque voulant disposer de son ame et biens
de son bon gre et()bonne volonte a faict et ordonne
son testament nuncupatif et()derniere volonte en la
forme et maniere suyvens en premier lieu led(it)
jehan cepet testateur a faict le signe de la croix
disant in nomine patris et filii et spiritus()sancti
amen / a recommande son ame a dieu le creat(eur)
a()la glorieuse vierge marie mere de j(esus) c(h)rist
et a()tous les benoistz saintz et saintes de paradis
et a voulu que quant son ame sera separee
de()son corps sond(it) corps soyt ensevely au **cymitiere**
de saint jehan hors les murs de villemur et aux
tumbes de ses parens predecesseurs item a voulu
et ordonne veult et ordonne led(it) testateur que
ses honneurs de sepulture novene et ca(p)d()an luy
soyent faictz selon les [con]stitu(tions de n(ot)re sainte
mere egl(is)e catholicque romaine a()la discrection
de **catherine portalle sa femme** la chargeant
de s()en acquicter le]le[mieulx qu()il luy sera
possible item avoulu et ordonne veult et
ordonne led(it) testateur que lad(ite) portalle sad(ite) femme
soyt dame et maistresse et seigneuresse de tous
et ch(ac)uns les biens meubles et imm(e)ubles dud(it)
testate(ur)]t[a vendre et()despandre tant qu()elle

.....

xlvii

vivra en()ce monde vie viduelle ten(ant) sans estre
tenue d()aulcune redi(ti)on de compte a()l()advenir a son
h(eriti)er bas nomme et en tous et ch(ac)uns sesd(its)
bien meubles et immeubles presans et advenir noms
droictz voix et actions led(it) jehan cepet testate(ur)
a faict et institue son h(eriti)er g(e)n(er)al et universel
et l()a nomme de sa [pro]pre bouche **jehan cepet**
filz a]fe[au(tr)e **jehan cepet en son vivant filz**]dud[
]testa[legitime et naturel **dud(it) testate(ur) et de**
lad(ite) portalle sad(ite) femme pour desd(its) biens et
heredite f(air)e et disposer [par] led(it) jehan cepet
nepveu susd(it) a ses plaisirs et volutes tant
a la vye que a la mort apres le decez de lad(ite)
portalle son ayeulle]e[]ve[item veult et
ordonne led(it) testate(ur) que au cas led(it) jehan sond(it)
nepveu et()h(eriti)er viendroyt a deceder plustost
que lad(ite) portalle sad(ite) femme sesd(its) biens et
heredite deviegne et a[par]tiennent a icelle
portalle pour d()iceulx biens en faire et disposer
a ses plaisirs et volutes et au cas lad(ite)
portalle decederoyt layssant led(it) jehan cepet
h(eriti)er susd(it) et qu()il vint a deceder sans hoirs
de son loyal mariage ou sans f(air)e testament
led(it) testate(ur) veult et ordonne que cesd(its) biens
et heredite deviegne et a[par]tiennent a **anth(oin)e**
sepet filz de feu au(tr)e anth(oin)e nepveu dud(it) testate(ur)
natif de n(ot)re dame de()la columbe et ainsi le
substitue et ce dessus led(it) jehan cepet
testate(ur) a volu et veult que soyt son der(nier) testament
derniere volute cassans etc excepte

.....

le presant qu()il veult que demeure en son entier
efficasse et]veult[valle(ur) et]ve[lequel veult que
valhe et soyt valable par droict de testament nuncupatif
et s()il ne valoit ou pouvoir valoir par droict de
testament nuncupatif veult que vailhe et soyt
valable par droict de codicille et s()il ne valoyt
ou pouvoir valloir par droict de codicille veult
que vailhe et soyt valable par donna(ti)on faicte
entre les vifz a jamais irrevocable et [par] tout au(tr)e
droict uz stille et [cou]stume du presant lieu et qu()il
pourra mieulx et plus valloir requerant et
prient les tesmoingz bas escriptz et nommes
[par] luy cogneus et nommes y presans le(ur) en souvenir
et en porter bon et loyal tesmoniage de verite
en temps et lieu quant en seront requis et
a moy not(aire) luy en retenir acte et instrum(ent) ce qu()ay
faict en presances de anth(oin)e tamalet]te[pareur
de draps jehan forest cordonier / pierre lala fustier
gilabert tamalet marchand / jehan falguiere arnauld

solet travailleurs de villemur / anth(oin)e larras
barbier de bolot demeurant avec led(it) cepet
testateur tesmoingz a()ce appellees et requis
led(it) testateur avec lesd(its) gilabert / anth(oin)e
tamaletz]et[forest et larras se sont soubz(sig)nes
les au(tr)es ont dict ne scavoir signer et de moy
jehan richard not(aire) royal dud(it) vill(emu)r requis soubz(sig)ne

A. Tamalet I:P J. Sepet G. Tamalet, tesmoing

A. Larras

Richard, not(aire) r(o)yal